

APPROBATIO.

EX injuncto mihi officio à N. P. Michaële ab Assumptione Ministro Provinciali attentè legi librum, cujus est Inscriptio : *Annalium Provinciae S. Josephi Ordinis Excalceatorum SSS. TRINITATIS Redemptionis captivorum Libri Decem*, quos conscripsit *P. F. Joannes à S. Felice, Ordinis ejusdem & Provinciae Chronographus*. Historiam videlicet continuata serie producit ab initio propagationis nostræ usque ad constitutam Provinciam : & compertum mihi fuit, Authorem omnes diligentis & Fidelis historici partes affatim explevisse. Nam Chronologiam absque hiatu velut Ariadnes filum sequitur, quò fit, ut status rerum, & propagationis nostræ primùm in Austriam, demum in alias regiones per tempora continuò dignoscantur : Lucium Annæum Florum accurratore methodo imitatus refert, ut nimirum sub tribus Augustissimis Imperatoribus in pincipio nata, in progressu educata, & in fine adulta fuerit nostra S. Josephi Provincia. Reflexiones subinde quasdam ingerit ad legentium utilitatem ; mirificè delectat in doctrinis & variis eruditionibus tam ex veteri quàm recentiore politioris literaturæ promptuario desumptis ; sic miscuit *utile dulci*, ut in utroque superet expectationem, scilicet :

Lectorem delectando, paritèrque movendo
Hic meret æra liber.

Cæterùm quæ ad posteritatem hoc in volumine transmittit memorabilia, eo candore profert, quò desiderari major vix possit ab homine veritatis amante & studioso. Et ego, ut cum S. Paulo Apostolo 2. ad Corinth. cap. 13. v. 8. loquar : *Non enim possumus aliquid adversus veritatem, sed pro veritate*. Hinc opus probo, studium commendo, & hos Annalium libros pro utilitate posterorum futuros assero. Prætereà nihil in iis contra sanctam nostram Romano-Catholicam fidem, vel quod bonos mores offendat, reperi : quapropter, ut in lucem publicam opè typorum prodeant, servatis servandis censeo. Ità sentio, salvo meliori &c. Dabam in hoc nostro Viennensi Collegio Ordinis Excalceatorum SSS. TRINITATIS Redemptionis captivorum die 14. Januarii. Anno 1736.

Fr. MARTINUS AB ASCENSIONE,
Ex-Commissarius Generalis.

A P P R O B A T I O.

DE mandato N. P. Joannis à S. Felice, Ministri Provincialis Provinciæ nostræ S. Josephi, Librum Chronicorum ejusdem Provinciæ Ordinis Discalceatorum SSS. TRINITATIS de Redemptione captivorum a P. Joanne a S. Felice, charissimo olim Con-novitio meo, & in literario studio Con-collega, nunc verò Chronista Provinciali collectum, & adornatum attentè non minùs, quàm voluptuosè perlustravi, & revidi, nihilque reperi, quod sanæ doctrinæ, & sanctæ nostræ fidei adversaretur; elucet verò in eo Authoris nostri ingenium, in colligenda historiæ materia diuturnus ac indefessus labor cum industria, in colloca-tione materiæ historicæ ad legendi voluptatem excitandam apta connexio, in compositione elegantia historici sermonis, veritatis historicæ, cum pleraque ferme vivente scriptore acciderint, sinceritas, ut opus omnibùs absolutum numeris meritò videatur: Equidem non laudari non potest, quod laudem meretur, tametsi supervacaneum existimem scriptorem nostrum laudibùs celebrare, cum opus ipsum legentibus se præclare sit commendaturum, neve religiosam ejus modestiam, assuetamque humilitatem rubore suffundam, atque simultanei affectùs nimium ipse arguar. Quamobrem cum liber hicce Provinciæ nostræ cumprimis futurus sit utilis; in eo enim summorum Patronorum ac Mæcenatum grandia recensentur Ordini ac Provinciæ nostræ præstita beneficia, quæ debitam gratitudinis tesseram in nobis perennandam exigunt, ne unquam oblivione deleantur. Majorum nostrorum vitæ morùmque monstratur integritas, quam imitemur. Fervor excellens, juxtâque indefatigabilis in propagando Ordine ac Redemptionis Instituto exequendo veluti speculum nobis proponitur, quod intueamur. Labores, sudores, & algores, paupertas nonnunquam extrema, inediæ, aliæque quàm plurimæ ærumnæ in principiis foundationum & captivorum Redemptionibus, reliquæque animarum cura perpessæ clarescunt, ut eorum premamus vestigia, fortitudinem teneamus & constantiam, industriam & modum redimendi captivos confratres nostros Christianos edocemur, ut discamus artem veluti veri Evangelici negociatores multam animarum messem in DEI, & Domini nostri Redemptoris horreum congregandi, & ut paucis denique cuncta, quæ nostrâ referunt, complectar: universale Patrum nostrorum proponitur nobis virtutum exemplar, quod ob oculos nostros perpetuò versari debeat, atque stimulare jugiter ad perfectionem. Quocirca dignum censeo, ut opus istud sub prælo sudet, fiatque publicum præsertim commodo Provinciæ nostræ. Sic sentio, salvo meliori &c. In Conventu nostro SSS. TRINITATIS Pösonii in Hungaria octavò Calendas Novembris. Annò 1730.

P. Fr. CHRISTOPHORUS à S. FRANCISCO,
Ejusdem Ordinis Provinciæ p. t. Definitor Provincialis.

AMANTISSIMO IN CHRISTO
PATRI FR. JOANNI A S. FELICE.
PROVINCIAE S. JOSEPHI CHRONOGRAPHO,
SUAE PROVINCIAE ANNALES SCRIBENTI
APPLAUSUS METRICUS.

Ane Pater Sancto qui de Felice vocaris,
 Ordinis assurgis Conditor Historiae.
 Pangere praesumpsi meditatam carmen amico,
 Ut venit ad numeros me properante melos.
 Tu monumenta Patrum scribis per temporis annos,
 Gesta per aetates, nec finis ulla mori.
 Ne fruatur insidias inimica oblivio rebus,
 Praecavet in libris indubitata fides.
 Posteritas tua scripta leget dignissima typis,
 Deque bono fluxit Numine, dicet, opus.
 Spargit virtutum suaves amaranthus odores,
 Lilia mixta rosis pagina quaeque notat.
 Floret & insignis gestorum synchronus auctor,
 In speculo testis cernitur ipse suo.
 Ut charum decus est nostrae florentis olivae,
 Sic stabiles fructus Religione tulit.
 Bibliotheca docet, pretio quam servat, & auget,
 Continet haec, quidquid doctus amare queat.
 Longè diffusus jam Trinifer Ordo triumphat,
 Coetus Josepho sorte dicatus ovat.
 Captivi! spes vestra viget, post vincula sequetur
 Aurea libertas & sine nube dies.
 Plura quidem lytrò numerantur millia vestrum,
 In patrias terras inque reducta domos.
 Multa recensabit per millia compede victis
 Venturum tempus dissoluisse jugum.
 Funera quid multis memorem Fratrumque Patrumque?
 His bona mors fuerit, quæ bona vita fuit.
 Non moritur virtus, sublimis ad æthera tendit
 Regnatura Polò, despicit invidiam.
 Et Benefactorum pia munera gratus honoras,
 Præmia pro meritis reddet & ipse DEUS.
 Eventus varios, & quæ super Ordinis hujus
 Surrexere Domus, continet iste Liber.
 Magna doces & pulchra canis, majora mereris,
 Dum facienda refers & referenda facis.
 Est opus eximium studio plenumque labore,
 Est elegans sermo, qui pietate nitet.
 Unde sibi lector studiosus multa parare
 Hic documenta potest, quæ meminisse juvet.
 Hos tibi conscripsit versus dilecte Joannes,
 Qui tuus ex animo servulus esse cupit.

Camaronii 14. Januarii 1731.

FR. MAURITIUS AB ANGELIS,
Lector Philosophiæ.

IN
REL. P. F. JOANNEM A S. FELICE,
ANNALIUM PROVINCIAE S. JOSEPHI AUTHOREM
CARMEN GRATULATORIUM.



Nnales ut fama Tuos, peramate *Joannes!*
Jam subisse bono fidere prela, tulit.
Ut didici, rursus Te barbita sumere Clius,
Quid nisi complausus, quid nisi vota darem?
Raro *Sanctorum* complèsti munere *Florem* *
Nunc iterum nectis Lilia cana rosis.
Lilia cana rosis: Canæ quia Relligionis
Orbe in Cæsareo Candida tecta canis.
Quomodo sæpe, refers, dubiis emerferit undis,
Quos tulerit claros Candidus Ordo viros.
O niveus candor permixtus lacte, rosisque!
Queis tua jam dudum Florida Musa rubet.
Quot sublata notas fervilibus agmina Regnis,
Purpureas totidem cerno rubere rosas.
Hoc opus est igitur, roseo quod Apolline fluxit,
Quod veneranda Themis, quodque Minerva probent.
Sic virtus etiam post tristia funera vivit,
Et tecum æternos hauriet ipsa dies.
Fautorum fortassis amor pietasque fuisset
Hactenus indignis incinerata rogis.
Orbis eos hucusque viros fortasse fileret,
Queis olim ex nostris nobile nomen erat.
Nî tua Musa illos sero transcriberet ævo,
Et vitam in longa Posteritate daret.
Rumpo, quod insulsum mea tibia carmen adornat,
Dum lingua eloquiò deficit ipsa suo.
Sicut namque tuo nec sufficit Orbis honori,
Sic neque deficiens Te mea Musa capit.
Æthera transcendam, dotes si quando luberet
Pro meritis omnes commemorare Tuas.
Sed neque Pierio celebrari pollice gaudet,
Cui satis ex proprio Gloria parta fuit.
Tot linguæ quot puncta, Operis quot signa tot ignes
Laude ferent titulos uberiore Tuos.
Interea hos studii, quo in te feror, accipe testes;
Nam servire Tibi semper amabo: vale.

Ita gratulabundus accinuit

Vienne Austria 23. Octobris 1739.

Fratrum Tuorum infimus

Fr. RUDOLPHUS à S. JOANNE NEPOMUCENO,
Ord. SSS. TRINITATIS Redemptionis Captivorum,
SS. Theologiæ Lector Actualis.

* Author præsentis operis olim edidit supplementum in P. Ribadenciræ Florem Sanctorum.